

NOTAT

20. juni 2013

Vores reference:

2013000090

Søfartspolitik, Jura
og Søfartssociale
forhold (SJS)
/KRR

Naalisagaq ilisimasortat pillugit inatsisip ilaasa Kalaallit Nunaanni atuutilersinnissaat pillugu

1. Peqqussutip imarisai

Inatsit nr. 618, 12. juni 2013-imeersoq imarsiornermik inatsisip inatsisillu assigiinngitsut allat, Kalaallit Nunaata eqqaani umiartornermi isumannaatsuunissamik piumasagaatit sakkortusisat, ilanngullugit Kalaallit Nunaata eqqaani ilisimasortat pillugit pisussaaffiit pillugit aalajangersagartallit allannguutaannik inatsisip Folketingip akuersissutigaa.

Umiarsuit issittup imartaani umiartornerat umiarsuarmitunut imaluunniit issittumi avatangiisinut immikkut aarlerinartorsiorfiusinnaasut pinngitsooratik ilisimasortaqaarnissaat pillugu malittarisassanik aalajangersaanissamut pisinnaatitsisunut malittarisassat imarsiornerup isumannaatsuunissaanik inatsisip allannguutaanut atapput. Taamaattumik ilisimasortat pillugit inatsimmi Kalaallit Nunaanni ilisimasortaqaarnissat pillugit kapitalimik immikkut ittumik ikkussisoqarpoq. Inatsisip allannguutaasa nassatarissavaat Kalaallit Nunaata eqqaani inatsisip malillugit pinngitsoorani ilisimasortaqaarnissamut pisussaanermi taamaallaat ilisimasortanik akuerisanik atuisarnissaq, aamma taamatut ilisimasortaqaarnermut ilisimasortat pillugit inatsimmi aalajangersakkat assigiinngitsut atortinneqaarnissaat. Inatsimmi allannguutit malillugit "ilisimasortat"-nik Kalaallit Nunaata eqqaani umiartornermut atatillugu siunnersuisartussanik atuisarneq ingerlatiinnarneqarsinnaavoq. Taamaattorli pinngitsoorani ilisimasortaqaarnissamut pisussaaffiusuni ilisimasortamik akuerisamik atuinissaq piumasagaataalissalluni. Ilisimasortaqaartitsinerni "naalagaaffimmit ingerlataq" DanPilot, pineqangilaq, ilisimasortaqaarfiilli allat, ilanngullugit Kalaallit Nunaanni ilisimasortaqaarfiit, ingerlassisinnaatitaassapput.

Ilisimasortat pillugit inatsimmi inatsisip nunami/naalagaaffimmi atuussinnaatitaaffia pillugu aalajangersagaq allanngortinneqarpoq, taamaalilluni ilisimasortat pillugit aalajangersakkat assigiinngitsut kunngip peqqussutaatigut tamakkiisumik ilaannaasumilluunniit Kalaallit Nunaanni atuutilersinnissannorlugit Kalaallit Nunaanni pissutsit tunngavigalugit naleqquttunngorsakkatut.

SØFARTSSTYRELSEN

Carl Jacobsens Vej 31
2500 Valby

Tlf. 91 37 60 00

Fax 91 37 60 01

CVR-nr. 29 83 16 10

EAN-nr. 5798000023000

sfs@dma.dk

www.sofartsstyrelsen.dk

ERHVERVS- OG VÆKSTMINISTERIET

Tamatuma kinguneraa inatsimmi nr. 618, 12. juni 2013-imeersumi § 40, imm. 2, ilisimasortat pillugit inatsimmi § 4, nr. 3-kkut ikkunneqartoq, ilisimasortat pillugit inatsimmi aalajangersakkat makkua Kalaallit Nunaanni atortuulersinneqarnissaat: § 8-p, § 9-p, § 11, imm. 3-p, § 12-ip, § 14-ip, §§ 16-18-ip, § 19, imm. 3-5-ip, § 20, imm. 1-ip, §§ 24-33 b-p aamma § 34, imm. 1-ip, 4-p aamma 5-ip.

Kunngip peqqussutaanut missiliuusiap ilisimasortat pillugit inatsimmi aalajangersakkat tamakku ataasiinnaq naleqquttunngorsakkatut Kalaallit Nunaanni atuutilersissavai. Kunngip peqqussutaanut missiliuusiami § 34 taamaalilluni Kalaallit Nunaanni pissutsinut naleqquttunngorsagaavoq inatsimmi aalajangersakkanik taagorneqartunik unioqqutitsinerit pineqaatissiisutaasussanngorlugit Kalaallit Nunaanni pinerluttulerinermik inatsit malillugu. Kunngip peqqussutaanut missiliuusiap aalajangersakkat allat allannguutitaqartinnagit Kalaallit Nunaanni atuutilersissavai.

Kunngip peqqussutaanut missiliuusiap aalajangersakkat pineqartut ilisimasortat pillugit inatsimmi atuutilersissavai, taamaalilluni ilisimasortat pillugit inatsisip naleqquttumik allannguutai inatsimmiilersillugit. Peqqussut taaneqartunik aalajangersagartaqarpoq ilisimasortat pillugit inatsimmi, inatsit nr. 567, 9. juni 2006-imeeroq, ukunatigut allannguuteqartitami:

- Umiarsuarni inuttat pillugit inatsisip, imarsiornermi ilinniartitaanerit pillugit inatsisip aamma ilisimasortat pillugit inatsisip allannguutaannik inatsimmi nr. 478, 30. maj 2012-imeersumi § 3.
- Digital pinngitsoorani atorlugu attaveeqatigiinnerit il. il. pillugit aalajangersakkat assigiinngitsut allannguutaannik inatsimmi nr. 1231, 18. december 2012-imeersumi § 64.
- Imarsiornermik inatsisip inatsisillu allat allannguutaannik inatsimmi nr. 618, 12. juni 2013-imeersumi § 4 aamma Danpilot pillugu inatsimmi nr. 600, 12. juni 2013-imeersumi § 16.

Inatsisit allannguutaasa ilisimasortat pillugit inatsimmut tassunngalu tunngasutigut allannguutinut oqaaseqaatinut matumunnga ilanngunneqartunut sunniutaanik erseqqinnerusumik misissuataarineq innersuunneqarpoq.

Ilanngussat:

- Ilisimasortat pillugit inatsisip ilaasa Kalaallit Nunaanni atuutilersinneqarnissaannik peqqussummut missiliuut.
- Ilisimasortat pillugit inatsimmut, tak. inatsit nr. 567, 9. juni 2006-imeersoq (L 210 illersornissamut ministerimit 29. marts 2006-imi saqqummiusseq), oqaaseqaatit.
- Umiarsuarni inuttat pillugit inatsisip, imarsiornermi ilinniartitaanerit pillugit inatsisip aamma ilisimasortat pillugit aallannguutaannik inatsimmi nr. 478, 30. maj 2012-imeersumi §

3-mut oqaaseqaatit (L 124-imi § 3 inuussutissarsiutinut ineriartornermullu ministerimit 28. marts 2012-imi saqqummiussaq).

- Digital pinngitsoorani atorlugu attaveqatigiinnerit il. il. pillugit inatsisip aalajangersagartaasa assigiinngitsut allannguutaannik inatsimmi nr. 1231, 18. december 2012-imeersumi § 64-imut oqaaseqaatit (L 16-imi § 64 inuussutissarsiutinut ineriartornermullu ministerimit 3. oktober 2012-imi saqqummiussaq).
- Imarsiornermik inatsisip inatsisillu allat assigiinngitsut allannguutaannik inatsimmi nr. 618, 12. juni 2013-imeersumi § 4-mut oqaaseqaatit (L 154-imi § 4 inuussutissarsiutinut ineriartornermullu ministerimit 27. februar 2013-imi saqqummiussaq).
- Danpilot pillugu inatsimmi nr. 600, 12. juni 2013-imeersumi § 16 (L 187-imi § 16 inuussutissarsiutinut ineriartornermullu ministerimit 20. marts 2013-imi saqqummiussaq).